

## ATODLEN 17

### RHYDDHAD ATGYFANSODDI A RHYDDHAD CAFFAEL

#### RHAN 1

#### RHAGARWEINIAD

#### Trosolwg

- (1) Mae'r Atodlen hon yn gwneud darpariaeth ynghylch rhyddhad atgyfansoddi a rhyddhad caffael.
- (2) Mae'r Atodlen hon wedi ei threfnu fel a ganlyn—
  - mae Rhan 2 yn disgrifio'r rhyddhad sydd ar gael ar gyfer trafodiadau yr ymrwymir iddynt yn unol â chynllun atgyfansoddi,
  - mae Rhan 3 yn darparu ar gyfer swm y dreth sydd i'w godi pan ymrwymir i drafodiad tir mewn cysylltiad â chwmni sy'n caffael holl ymgymeriad cwmni arall, neu ran ohono,
  - mae Rhan 4 yn gwneud darpariaeth ynghylch tynnu'n ôl ryddhad atgyfansoddi neu ryddhad caffael, a
  - mae Rhan 5 yn gwneud darpariaeth ynghylch adennill treth nas talwyd gan bersonau penodol.